



George No 76




George B.

X

469





Severus besuden Gregorius zu Monstereyck verstor  
vorumb für das Closter freiburg verlasson

Don der selbigen Rother Dreyer mit einer strom  
vorumb Markt. Luffen

Johan Corvus wider Martin luffen. Vom Sacrament  
der altare

Billig Melancton wider die heere der wildertruffen

Georg Gregorius Bredeloff von Conig wider die kind  
der truffen

Martin Luffen wider die wildertruffen

Auffzug bestlicher ruff der artikel die ungerfuch  
gottis wort und dem Evangelio mit grund  
oder zum wenigsten nicht widerstreben

Ein Bildertruff vom heiligen Martin Luffen

Ein gründlicher Bericht vom Christlichen Lauff  
Johannis Landspazier

Martin Luffen bedinnet ob man für dem sterben  
fliehen mag

Ein Handfluch Kunst zu finden dütminall und  
vornehmlich mit ij verfahren


Landesrecht protestation darüber belangt vfften nach tag  
zu spure

Verlegung zu vier p dizen so dazan los zu hauptzig gottsam  
vberan ruffen

Entschuldigung des lautgraffen auff die artikel. so im außgubst

WON






7.

Unterricht  
Philip. Adelan.  
Wider die Lere  
der Widerteuffer aus dem  
latin verdeutschet/durch  
Just. Jonas

Wittenberg  
M D XXVIII.

104



W  
y  
C  
lich  
zu  
He  
ten  
me  
me  
yn



Dem erbar[n] vnd achtbar[n] Ern

Nichael Meienburg/oberstadtschreiber zu Northausen  
meinem günstigen freunde/Just Jonas.



Nade vnd fride Gottes

y[n] Christo/Besonder günstiger freunde/  
Es hat/ Philippus Melancton / mein  
lieber herr vnd freunde / ein kurtze vnters  
richt / widder den irtumb / der Widder  
tauffe / offentlich yn der schule/latinisch  
gelesen. So mir nu/dasselbig itzund neu  
lich/als ich zu Northausen/y[n] meinē vaterland geweest/  
zu komen/ vnd ich gantz verhoffe / es solle vielen fromen  
hertzen vnd gewissen/ so durch solche falsche lere /möcht  
ten betrübe. odder auch verfürte werden / zu errettung ko  
men/habe ich solchs y[n] eyll verdeutschet / Vnd euch als  
meynem besonder guten freunde / wollen also vbersenden  
vnd zuschreiben / zweiffel nicht/yhr vnd ander liebhaber  
des Euangelij/werdet solchs gerne lesen/Vnd Gott

dem Herrn / für solch gewaltige gnedige erz  
haltung der reinen lere/vnd Göttlicher  
warheit von hertzen dancken. Ge

ben montag nach Purificatio  
nis/Anno etc.

M. D. XXVIII.

A ij Ich habe



**I**ch habe zuvor offte auch  
geleret/wilche die heubestücke weren/die  
einemyeden Christen von nöten zu wisse  
sen/wie denn die/der Herr Christus selbs  
anzeigt / do er besilet zu predigen/Busse  
vnd vergbung der sünde. Vnd Paulus  
der Apostel hat auch wollen vns die für  
nemeste heubestücke der Christlichen lere/zeigen/do er sa  
get / Die heubtsumma des gepots ist liebe von reinem  
hertzen/vnd von vngeserbetem glauben etc. Die selbigen  
heubtstücke treiben auch allenthalb die Propheten / vnd  
ane das / helledie gantze schrift vns für/ diese fürnemste  
gründe/Bus/ Glauben/Liebe/Gedult/ vnd andere früch  
te des glaubens / Die selben heubestücke müssen wir alle  
zeit für augen haben / da mit sollen vnser hertz vnd ges  
dancken vmbgehen/ darynne sich vben / das also teglich  
zunehmen müge ynn vns rechtschaffene Gottes forcht/  
vnd warhafftiger glaube / recht vnd warhafftig Gottes  
erkentnis / vnd so offte wir einen ort der schrift handeln/  
sollen wir fürnemlich die heubtstücke darynne suchen /  
das wir also die recht Summa Christlicher lere / richtig  
vnd einfeltig einnemen vnd fassen mügen.

Aber dieser zeit / kerent es die widderteuffer vnd  
etlich andere gleich vmb / lassen das erkentnis Christi/  
wilchs die recht weisheit ist/ligen/hadern sich vmb eusser  
liche Ceremonien/vmb menschen satzung on auffhören/  
dieweil wird der waren Busse/des glaubens/des creutzs/  
der liebe/vnd anderer Christlicher früchte vnd wercke ge  
schwigen. Wir haben aber zuvor offte / die heubtstücke/  
vnd Summa Christlicher lere gehandelt / vnd wollens  
villeicht

villei  
S  
sches  
die sel  
erfar  
yn gr  
schwe  
Wenn  
einfal  
bald  
dere g  
werde

S  
crame  
von C  
heissu  
Acced  
Wen  
than v  
stücke  
ding  
gnade  
durch  
wird  
cram  
liche  
empel  
ist ein  
gnad  
i . Cor  
wir v

villeicht hir nach / anch hir widder erholen.

Sieweil nu von den Sacramenten / so viel heftlicher /  
schedlicher irtumb vnd zwittracht fürfallen / wollen wir  
die selbigen hir rhüren / da mit wir die einfeltigen vnd vn-  
erfarnen leut / widder solche ketzerey / so von tag zu tag  
yn grosser zal sich mehren / rüsten mügen / Denn es ist gar  
schwer bey der rechten warheit bleiben vnd fest halten /  
Wenn so viel ergernis vnd ketzereyen / so viel zwittracht /  
einfallen / vnd gehet gemeiniglich also / das ein irtumb  
bald aus dem andern erwechset / vnd eine ketzerey die an-  
dere gebirt / wie auch Paulus anzeiget / do er saget / Es  
werde alles mit den ketzern yhe lenger yhe erger.

Für das erste / wollen wir sagen / was das wort Sa-  
crament / heisse. Sacrament ist ein eusserlich zeichen  
von Gott eingesetzt / das neben sich ein Göttlich ver-  
heissung hat / Vnd gefelle mir das wort wol / der alten /  
Accedat / ad verbum elementū et fit sacramentū / das ist /  
Wenn zum wort / das wasser / oder ander eusserlich zeichen /  
than wird / wird ein Sacrament draus / Denn die zwey  
stücke / sind an einem iglichen sacrament / Das eusserliche  
ding odder zeichen / das da bedeut / die verheissene Gottes  
gnade / Vnd das wort / odder Göttliche verheissung / da  
durch gnad wird zugesagt / da durch das selbige zeichen  
wird befolhen vnd eingesetzt / So künde man nu viel sa-  
crament herzeilen / so einer alle eusserliche zeichen / so Göt-  
liche verheissung haben / wolte zu samen lesen / als ein ex-  
empel / creutz vnd trübsal / were ein sacrament / Denn es  
ist ein eusserlich ding / da neben Gott hat seine hulde vnd  
gnade zugesagt / als yn diesen sprüchen vnd der gleichen.  
i . Corinth. xi. Wenn wir aber gericht werden / so werden  
wir vom herrn gezüchtiget / das wir nicht sampt der welt  
2 iij verdampt

verdampft werden. Item / wilchen son der vater liebet/  
den züchriget er. Item / rüffe mich an ynn zeit der not/  
vnd ich wil dir aushelffen. Wiewol da vnser schwaches  
fleisch vnd vernunfft / zu rück weicher / vnd achtet den  
trübsal für ein zeichen Göttlicher vngnade / so sollen wir  
doch nicht aus vnserm dünnkel odder vernunfft / sondern  
aus Gottes zusage / gewis schliessen / vnd feste glauben/  
das es ein zeichen Göttlicher hulde vnd gnaden sey / Also  
möcht man auch sacrament nennen / alle wercke der lie-  
be / denn die haben ein angeheffte Gottes wort vnd ver-  
heiffung / Gebet so wird euch geben werden / Vergebt so  
wird euch vergeben werden. Denn gleich wie der Regens-  
bogen ein zeichen ist / das das menschlich geschlecht ni-  
cht mehr solle durch sindflut vnd wasser verderben / also  
sind die werck der liebe zeichen / das vns Got widder umb  
vergeben wil.

Vnd wie das fell Gedeonis ein eusserlich zeichen war/  
des verheiffenen sigs vnd vberwindung / also ist trübsal  
vnd creutz ein eusserlich zeichen / der verheiffenenen Gots-  
tes hulde / Doch wie das fell Gedeon nicht hat gerecht-  
fertiget odder from gemacht / sondern der glaube / da-  
durch er sich auff Gott verlies / Also rechtfertiget nie-  
mants der trübsal odder creutz an yhme selbs / odder wer-  
cke der liebe / sondern sein nür ein zeichen / der verheiffenen  
gnade / Derhalben gehört darzu glaube / der Gottes zusage  
ge glaube.

Auff dis weis kont man viel ander ding zusamen les-  
sen / aus der schrifft / die da angeheffte verheiffung haben  
Göttlicher gnade / die man recht vnd wol möcht sacra-  
ment nennen. Wir aber zu dieser zeit / nach gemeynem  
Christlichen gebrauch / nennen die zwey sacrament / Tauf-  
ffe / vnd sacrament des leichnams vnd des bluts Christi /

Denn

Denn  
Gott  
vnd v



nen / g  
Röm  
die Kl  
itzt et  
umb  
gen /  
glau  
empe  
men /

v  
liche  
bey r  
beker  
onis  
man

## Vom brauch der sacrament.

Denn es sind fürnemlich eufferliche Ceremonien / von Gott eingesetzt / welche haben angehefft Gottes wort vnd verheissungen.

## Vom brauch der sacrament.



**D**ie weil nu von dem wort sacrament gnug geredt / wollen wir auch ynn gemein vom brauch der sacrament reden. Für das erste müssen wir das wissen / das die sacrament nicht allein darümb eingesetzt / das sie solten zeichen sein / die Christen zu vnterscheiden / vnd zu erkennen / gegen den heiden / wie vorzeiten / etliche kleidung die Römer / vnterschieden von den kriecken / aber wie vns die kleidung vnterscheidet von münchē. Den also dörffen itzt etliche öffentlich schreiben / das die sacrament darümb vns eingesetzt / das wir dadurch den heiden anzeigen / das wir an Christon glauben / vnd das wir vnsern glauben für den menschen bekennen / vnd durch vnser exempel ander auch zum glauben / odder Christum anzunemen / reitzen.

Wir sagen aber / das die sacrament sind zeichen Götliches willens gegen vns / vnd sein nicht allein zeichen / da bey man die Christen kennet / odder sie sich für Christen bekennen für den leuten / Denn gleich wie das fell Gedonis nicht allein ein zeichen odder losung war / da bey man sein kriegsvolck kennet gegen den feinden / sondern viel  
viel

ter liebet/  
eit der not/  
Schwaches  
achtet den  
sollen wir  
t / sondern  
e glauben/  
n sey / Also  
ke der lie  
vnd ver  
Dergebt so  
er Regens  
hlecht ni  
ben / also  
odderümb

hen war/  
st trübsal  
nen Gots  
gerechts  
ube / da  
tiget nie  
odder wer  
heiffenen  
tes zusaz

amen les  
ng haben  
ht sacra  
meynem  
nt / Taus  
Christi/  
Denn

## Vom brauch der sacrament.

viel mehr ein zeichen vnd pfand Göttlicher hulde vnd gnediges willens / also sind vns auch die sacrament ein zeichen Göttliches willens / Wie auch Christus saget / Das thut zu meynem gedechtnis. Christus aber gedenccken / ist nicht allein die andern leren / sondern gedenccken seyner grossen wolthat / welche wir empfangen haben durch seinen tod vnd aufferstehung / das ist gedenccken / an die vergebung der sunde / die wir durch yhnen empfangen haben / Denn gleich wie der gnedige Gottes wille wird angezeigt / ym wort odder verheissung / also wird er auch angezeigt ym eusserlichen zeichen / wie ynn eynem fürgestellten bild odder gemehel / Vnd wie das wort mit den ohren gehört wird / das es den glauben ym hertzen erwecke / also wird das fürgestellt zeichen mit den augen gesehen / das es den selbigen glauben ym hertzen erwecke. Darumb hat Augustinus gesagt / Sacrament ist ein sichtiglich Gottes wort / denn es bedeut gleich das selbige / das durch Gottes wort wird zugesaget / vnd ist wie ein tafel odder gemele Göttliches willens / Gleich wie das wort eine stymme ist / die Göttlichen willen anzeigt.

Dieses habe ich vom brauch der sacrament den lesser vnterrichten wollen / Denn etliche leren / das allein also der sacrament zu brauchen sey / das wir da durch für den leuten vnsern glauben bekennen / vnd lassen dis größte nödigste stücke nach / das der sacrament also zu brauchen / das sie vns erynnern vnd vermanen / was wir von Gott empfangen haben / nach dem sie vnsern glauben erwecken / befestigen vnd auffrichten / Vnd dis stück wird Klerer zumorstehen werden / wenn wir von eines iglichen sacraments brauch für sich sonderlich reden werden.

Zum ans

## Vom brauch Der sacrament.

Zum andern / müssen wir hvr vnterricht thun / das die sacrament alleine niemands rechtfertigen odder from machen. Denn die ienigen irren / die da meynen / das sie vergebung der sunde erlangen / alleine mit dem wercke wenn sie zum tisch des Herrengeden / Denn Paulus leret allenthalben / das wir aus den wercken des gesetzes / nicht from odder rechtfertig werden / sondern allein aus dem glauben. Gleich nu / wie Gottes wort allein hören on glauben / niemands from odder rechtfertig macht / also / der sacrament brauchen on glauben / macht niemands from / Denn wie ich gesagt / das sacrament selbs / ist ein sichtiglich wort / Denn gleich wie die stymme des worts / wird ynn die ohren gefasset / also wird das eusserlich zeichen odder sacrament mit den augen gesehen / das es die hertzen bewege zu glauben.

Vnd nach dem die sacrament vnd eusserliche zeichen / angeheffte Götliche verheissunge haben / brauchen wir denn erst / der sacrament wol vnd recht / wenn wir glauben / das wir das ienige erlangen / so Gott durch sein wort zugesagt / Denn die verheissung erfordern den glauben / wie Paulus zun Römern am vierden leret / nemlich / das Abraham nicht from worden sey / allein aus dem wercke der beschneydung / sondern das die beschneydung sey ein zeichen gewest / der gerechtikeit / das ist / da durch Gote zeuget / das er dem Abraham gnedig sey / vnd yhnen zu gnaden anneme.

Durch solche eusserliche zeichen vnd zeugnis / wird Abrahams glaube / gesterckt vnd befestiget / durch wilchen er für Gott gerecht worden. Darumb nennet Paulus die beschneydung ein zeichen odder sigel der gerechtikeit /

¶ Denn

## Vom brauch Der sacrament.

Denn gleich wie nuch brieff vnd sigel gewis macht von eines andern gemüt vnd willen / also ist Abraham durch die beschneydung gewis gemacht von Gottes willen / also sollen wir auch vnser sacrament brauchen / vnd halten / für eusserliche zeichen der gerechtigkeit / wilche vns Christus geben hat / das sie es zeugen / wie vns die sünde vergeben sollen sein / vnd wir für Gott from vnd gerecht werden / Denn die wir getaufft sein / tragen ein zeichen / da durch Christus zeuget / das er die sünde vergebe / allen / den sie hertzlich leid sein / die erschrockene gewissen habē.

Vnd sol das zeichen nicht weniger odder geringer bey vns gelten / denn als wenn Gott teglich von himel durch ein new wunderwerck odder zeichen / vergabung der sünde zeuget / Vnd sein das eitel traum lere / das du dencken woltest / die krafft der tauffe wircke allein die zeit / wenn sie leiplich geschicht / als sey die tauffe an gewisse stunde / dis odder yhene zeit gebunden / sondern wir tragen ewiglich dis zeichen der waren busse / vnd verheiffenen gnade / Darumb wircket die krafft der tauffe das gantze leben durch vnd durch / das ymerdar der alte adam getödt werde / der new mensch durch gnade vnd geist / wachse vnd zunehme.

## Von der Taufte.

**D**ie Taufte / ist ein eusserlich zeichen / wilchs bedent / die busse vnd vergabung der sünde. Denn für das erste / das die Taufte / sey ein zeichen der busse / zeiget Johannes der Teuffer an / Matthei am dritten / da er saget / Ich teuffe euch ym wasser zur busse. Vnd wie

## Von der Tauffe.

wie die predigt Johannis ist eine predigt der busse / Wie  
Esaie am virtzigsten geschrieben stehet.

Also ist die Tauffe ein zeichen des selben worts / das  
Johannes gepredigt. Weiter / das die Tauffe sey ein  
zeichen der vergebung der sünde / erscheint aus den wör-  
ten Christi / da er sagt / Wer da gleybt vnd getaufft wird /  
der sol selig werden. Vnd Paulus zu Tito am letzten / nen-  
net die tauffe / ein bad der widdergepurt / vnd ernewerung  
des heiligen geists.

Derhalben ist die Tauffe nicht allein ein zeichen der  
busse odder tödtung des alten menschen / sonderlich die  
weil die predigt der busse / ym Euangelio vnd newen te-  
stament / nicht blos schrecken vnd Gottes drawung yn  
sich hat / sondern allenthalben mit angehefft / ein gnedige  
verheissung vnd zusage Götlicher hulde vnd gnaden /  
Wie denn Johannes wort lautet / Thut busse / So setz er  
als bald drauff / Denn es nahet sich das himelreich. Vnd  
Johannes am ersten / Sihe das ist das lamb Gottes / das  
der welt sünde wegt nimpt. Darumb ist die tauffe nicht  
also ein zeichen der busse / das sie nicht zu gleich mit / ein  
zeichen sey der gnaden / vnd vergebung der sünde / Vnd  
ist nicht also zuuerstehen / als wircke die tauffe nur auff  
einmal odder zeit / vnd sey do mit aus / Sondern die tauffe  
ist ein zeichen / der busse vnd vergebung der sünde / das  
gantze leben durch vnd durch / also / das es eitel sterben /  
vnd aufferstehen mit vns ist / die wir gleyben / bis an na-  
türlichen tod / Wie Paulus sagt zum Römern am sechsten  
Alle die wir ynn Ihesum Christ taufft sind / die sind ynn  
seinen tod getaufft / So sind wir yhe mit yhme begraben /  
durch die tauffe ynn den tod etc.

B ij      So nu

## Von Der Tauffe.

So nu die tauffe ein zeichen ist/ der buße vnd tödtung des alten menschen/ vnd die selbig mus nu das gantze leben durch ynn vns wircken/ bis wir natürlich gar diesem leben absterben / so ist klar / das die tauffe nicht ein werck sey odder zeichen/ das nur zu einem mal oder zu einer zeit wircke odder gehöre / sondern es ist ein zeichen der buße/ vnd tödtung vnsers fleisches das gantze leben durch.

Darümb / so ist auch das widderteuffen nicht von nöten / sonst müsten wir vns teglich widder teuffen lassen/ denn wir sollen stets den alten Adam tödten/ buße thun/ für Gottes vrteil erschrecken/ durch den glauben vnd gnade widder auffgericht / getröst / vnd lebendig werden/ on auffhören/ bis das wir yns grab kometen.

## Vom brauch Der Tauffe.



Also ist nu der Tauffe zu brauchen/ das die tauffe / vns sol schrecken / vnd der buße erynnern / vnd vns anzeigen/ den grossen mechtigen ernst xñ zorn Gottes/ widder die sünde. Vnd nach dem wir yn namen Christi vnd yn Christum getaufft werden / leret vns dis zeichen an Christo recht ansehen vnd mercken / den grossen schrecklichen Gottes zorn/ vber die sünde vnd alle sündere/ Denne in solche vngnad vnd ernster Gottes zorn/ stehet vber der sünde/ das keine creatur/ keines engels / keines heiligen werck odder tod / hat die sünde mügen weg nemen / sondern seinen eingebornen son hat Gott für die sünde wollen zum opffer geben / Vnd ist die hohe person vnd maiestet/ nicht allein euserlich verspot/ verspriet/ vnd  
eins

## Vom brauch der Tauffe.

eins schmehtlichen tods am creutz gestorbē/ sondern auch  
ynwendig ynn seinem hertzen/ do er yn vnser schwachheit/  
als einer der von Gott verlassen/ vnd verworffen/ were/  
angst vnd not/ der hellen vnd tods schrecken/ mit vnsag-  
lichem biben vnd zittern/ erliden.

So nu Gott vber die sunder so hefftig vñ ernstlich zor-  
net/ verynnert vns die Tauff/ durch welche wir mit Chris-  
to geistlich begrabē sein/ yn den tod/ das wir vns warlich  
entsetzen sollen vnd ernstlich erschrecken/ für dem zorne  
Gottes/ wie auch Christus sagt/ Weinet nicht vber mich  
sondern vber euch vnd vber ewer kinder. Er weist die  
vrsach seines tods auff vns/ als solt er sagen/ Ich leide  
wol diesen tod/ aber für euch. Ich trage den grossen ern-  
sten Gottes zorn/ wilchen ich nicht erregt habe / sondern  
yhr habt den verdienet/ es sey denn/ das yhr ernstlich weis-  
net vnd ewer sunde erkennet/ wird die schwere straff vber  
euch gehen/ vnd Gottes zorn auff euch bleiben.

So ist nu das der recht brauch der tauffe / hertzlich  
sich mit gantzem ernst für dem Gottes zorn entsetzen.  
Derhalben besuddeln die tauffe vnd misbrauchen der  
tauff alle/ die sicher vñ lessig on hertzliche Gottes forcht/  
on busse leben/ Wenn sie auch gleich alle tags sich auff's  
nerue teuffen lieffen. Das zeichen Göttlichs vrteils vnd  
vnfers todes/ wird einmal geben/ Derhalben ist nicht von  
nöten / das zeichen widder zuerholt odder zuuernewen/  
sondern da sollen wir auff sehen/ was das zeichen bedent.  
Wir haben / als die zum tod durch blutgericht verurteilt  
sein/ ein zeichen empfangen vnfers tods vnd Göttlichs  
vrteils/ Darumb sollen wir von hertzen erschrecken/ busse  
thun / das wir also hertzlich erfahren / das Gott gut recht

B iij hat

tödtung  
antze les  
r diesem  
in werck  
iner zeit  
er busse/  
urch.  
von nö  
lassen/  
e thun/  
vnd gna  
den/on

311  
schres  
nd vns  
nst vñ  
dnach  
Chris  
bis zeis  
grossen  
sundes  
rn/ste  
keines  
weg nes  
für die  
person  
et/ vnd  
eins

## Vom brauch der sacramene.

Hat vber vns zu zornen vnd sünde zu straffen/doch ist nicht gung/die Tauff nur als ein zeichen des schreckens vñ zorns allein ansehen/sonder ynn dem erkenntnis des zorns müssen wir die zusage Gottes vnd den glauben fassen/ansehen die tauff vnd erkennen als ein zeichen Göttlich/er hulde vnd gnade/vnd zugesagter gnediger/vergebung aller sünde/Vnd müssen also alle beide wort Johannis ergreiffen/nicht allein dis thut busse/ sondern auch dieses/Es nahet sich das himelreich/Item das ist das lam Gottes. Vnd also so offte das gewissen yn angst vnd not ist/mit zweiffeln vnd verzagen/vberfallen vnd gedreng/sollen wir ansehen/dis eusserliche zeichen vnd sigel der verheissen Göttlicher güt/vnd gnediges willens/wilchs ein Gots zeugnis ist/ der verheissen gnade/ Wo wir anders Gott warlich glauben der es verheissen hat/vnd der selbe glaube/der ynn solchem engstlichem schrecken vnd nöten/vns widder auffrichtet/ ist die gerechtigkeit die für Got gilt/vnd die frönteit/wilche Gott erfordert. Die also glauben/die halden vnd sind recht gesynnet von Gott/die sehen vnd fülen/ das vns Gott gantz lieb hat/das er als ein vater für vns sorget/ vmb Christus willen.

Also ist nu der Tauff zubrauchen/auch zu einem trost/vnd wie das wort ist/ geben/das es vns widder die verzweiffelung ein sterck vnd rüstung sey/ also sol dis eusserliche zeichen/tauffe/auch vnter die wafen vnd rüstung zeleet werden/die vns geben sind/wenn wir widder verzagen vnd vnglauben ym kampff stehen/Vnd sol vns das eusserliche zeichen/nicht weniger stercken/wacker vnd gerost machen zum glauben/als wenn vns new wunderzeichen  
vom

von  
deon  
die ta  
Zu  
ffe ist  
das a  
euffen  
zeige  
tur d  
gen n  
en/n  
dann  
nach  
lig zu  
ben/  
Chri  
also/  
ynn  
ang  
Chri  
thro  
ist d  
Got  
er yn  
ren s  
trüb  
es  
falt  
vns  
Heis

## Vom brauch der sacrament.

vom himel eingesetzt wurden/vnd wie das fell den Ge-  
deon/erwecket vnd auffrichtet zum glauben/also sol vns  
die tauffe erynnern vnd auffrichten zum glauben.

Zum andern/ist hir war zunehmen nach dem die Taus-  
ffe ist ein zeichen vnser tödtung/nach dem alle menschen  
das alles vnser trübsals/ia auch des todes die tauffe ein  
eussertlich zeichen ist/vnd das sie dazu geben/das sie an-  
zeige das aller trübsal vnd iamer auch der tod/so der na-  
tur der sünde halben auffgelegt/nu forthin allen gleybi-  
gen nütz gut vnd gantz seliglich sein/vnd das die Christa-  
en/nicht darümb mit trübsal werden angriffen/sie zu ver-  
damnen/sonder sie zu vben/vnd ymer mehr vnd mehr  
nach ein newen leben ym geist zu stercken/vnd entlich se-  
lig zu machen. Item das alle vnser trübsal/die wir gley-  
ben/ynn Christus tod gepflantzet eingeleibt sein/vnd wie  
Christus tod/ein angenehme opfer ist für Gott das auch  
also/alle vnser iamer anfechtung vnd trübsal/die weil sie  
ynn Christus tod durch vnsern glauben gepflantzet/auch  
angenehme behegliche opffer sind für Gott. Item wie  
Christus durch die verachtung vnd das crentz ist yn den  
thron der maiestet/vnd zum höchsten ehren gesetzt/also  
ist die tauffe ein zeichen/das wir auch angenehme liebe  
Gottes kinder sind/welchen er helfen/die er erhören/die  
er ynn aller not erretzen/entlich zum ewigen leben vnd eh-  
ren setzen wil. So sollen wir nu ynn allen anfechtung vñ  
trübsaln sehen auff vnser tauffe/die vns verynnert/das  
es Gott so gefellet/das wir gedemütig werden uanch-  
faltig trübsal leiden vnd tragen/vnd ist ein zeichen/das  
vns ynn allen den selbigen/reicher trost/vnd hülffe ver-  
heissen wird.

Von

## Von der Tauffe Johannis vnd Christi.



**D**ie eusserliche Tauffe Jo-  
nis/wilche Johannes darreicht/ ist nicht  
vnterscheiden von der eusserlichen tauffe  
die Christus darreicht oder die Aposteln/  
Es ist einerley zeichen/ das von Gott  
ist eingesetzt / durch den beselß Johanni  
geschen/wilcher ist ein diener des neuen  
testaments/ Wie Christus sagt/ Alle propheten vnd das  
gesetz haben geweissaget bis auff Johannem. Des zeis-  
chens nu/das schon eingesetzt war/hat Christus auch ge-  
braucht/ Johannes aber vnterscheidet nicht sein eusser-  
liche tauffe von der eusserlichen tauffe Christi / sondern  
scheidet sein ampt von dem ampt Christi. Vnd Johans-  
nes teuffet allein ym wasser / das ist / er reicht dar die  
eusserlichen tauffe / vnd prediget das wort/ Das thut  
auch die Aposteln/ Aber Christus reicht nicht allein dar  
die eusserlichen tauffe / sondern thut genug für die sünde/  
nimpt die sünde weg/gibt den heiligen geist.

Darumb ist zwischen dem eusserlichen zeichen / das  
von Christo wird dargereicht / vnd zwischen dem eusser-  
lichen zeichen / das Johannes darthut / kein vnterscheid/  
alle beide bedeuten sie vnd wircken einerley ding. Aber  
die personen vnd ampt sind vnterscheiden/ Johannes ist  
gesandt allein zu predigen/ wie auch die Aposteln. Chris-  
tus aber ist gesandt/das er die sünde wegneme / vnd den  
heiligen geist eingieße vnd gebe. Derhalben hat Johans-  
nes angezeigt / das durch vnser werck odder gnugehul/  
die sünde nicht wird ausgelescht / Vnd hat geeret / das  
niemants

niema  
schene  
hertz d  
den/ d  
Vnd g  
hort w  
Apost  
ligen  
sto zu  
durch  
bestor  
vnd tr  
werde  
tzen b  
der au

Di  
richti  
traum  
ffe vn  
bigen  
gezeit  
mit y

V



solch  
chen

## Vom brauch der Tauffe.

niemants Gott versünet odder Gots kind werden kan/es  
schencke yhm denn Christus den heiligen geist/ynn sein  
hertz durch wilchen wir alleine geheiliget/vernewet wer-  
den/der auch allein zu allem guten vns leitet vnd treibet/  
Vnd gleich wie einerley Gots wort ist/ das eusserlich ge-  
hört wird/es predige gleich Christus Johannes odder die  
Aposteln/so ist es auch ein eusserlich zeichen/Aber den hei-  
ligen geist ein gießen/vnd austeilen das hört allein Chri-  
sto zu/denn wird aber der heilige geist geben/wenn Gott  
durch sein wort odder zeichen/das gewissen odder hertz  
bestortz macht/vnd erschreckt/vnd widderumb auffricht  
vnd tröstet/Denn beide/das wort vnd eusserlich zeichen  
werden dazu geben/das Gott durch die selbigen die her-  
tzen bewege vnd erschrecke/vnd durch den glauben wid-  
der auffrichte/wenn sie das wort odder zeichen ansehen.

Diese summa von der Tauffe ist gantz not/klar vnd  
richtig ein zu nehmen/zu fassen vñ zu wissen/damit nicht  
traumprediger zu faren/vnd also leren/als gehöre die tau-  
ffe vnd yhr wirkung nur auff ein zeit/so wir doch der sel-  
bigen das gantz leben durch brauchen sollen/wie ob an-  
gezeit/nach der lere Pauli do er saget/Wir sind begraben  
mit yhm ynn den tod.

## Von Der Jungen kinder Tauffe.

**M**An findet klar ynn yhren sch-  
riften/das die alten Veter vnd lerer der kirch-  
en/die tauffe der Jungen kinder rhümen Ori-  
genes vnd Augustinus schreiben auch/das  
solche stück von den Aposteln sey angenommen/ Der glei-  
chen Ciprianus vnd Chrysostomus/vnd Augustinus  
wid

C

## Von der Jungen Kinder Tauffe.

widder Julianum. Item De peccatorum meritis/ beweisen das klar. Dis sage ich zum eingang /darumb/das es hoch not ist zuwissen/was die alten von einer solchen grossen sache gehalten/Vnd man sol auch von den selbigen/on klar gewisse helle sprüche nicht weichen.

Itzund zu dieser zeit/fechten etlich die tauffe der Jungen Kinder an/vnd wollen/man sol die alten widderauffen. Diese falsche lere/wie wol sie keinen grund oder zeugnis der schrift hat/wird von vielen angenommen/Vnd die anheber dieses yrtumbs/Haben viel ander vnchristlicher lere/aus breitet/als das alle güter sollen gemein sein/Es solten Christen nicht ym Richter ampt sein/nach oberkeit haben. So nu diese schwermergeister solche zeichen vnd flecken yhr gotlosen lere/an sich haben sol billich yhr ganze lere vnd fürgeben/yhm allen andern verdecktig vnd losse gehalten werden. Aber Christus hat treulich gewarnt/das yhm letzten zeiten viel so llen verfürte werden/der halben sollen wir deste vleissiger wachen vnd auffsehen/das wir keine lere/on klare gewisse sprüche der heiligen schrift annehmen.

Nu wollen wir zu der heubtsache greiffen/das ist klar vnd gewis / das die verheiffung Göttlicher gnade/das Euangelion vnd reich Gottes/die Jungen Kinder mit an gehört/ Dis beschlusses haben wir klar zeugnis yhm der schrift/ Denn für das erst/ war yhn geboten ym gesetz/das man die Junge Kinder am achten tage beschneiten musste/Nu war die beschneitung ein zeichen/ der verheiffenen gnade/vñ des verheiffens samens nemlich Christi/yh welchem

## Von der Jungen Kinder Tauffe.

welchem alle Heiden sollen gesegnet werden/vñ Paulus nennet die beschneidung ein zeichen der gerechtikeit/zun Römern am vierden/vnd ym ersten buch Mofi am sibenzehenden ist geschrieben/Ich wil yhr Got sein/Item ein yglich kneblin des fleisch odder vorhaut nicht beschnitten wird/des seele sol aus gerottet werden/von meinem volcke/ Was sind das anders denn zu sagen der gnade/denn do er saget/Ich wil yhr Gott sein/zeiget er an/das er sich yhrer erbarmen wil/vnd sie erhalden. Vnd do er dreyet/den vnbeschnittenen/ zeiget er an/das er die vnbeschnittenen nicht wolle an nehmen/das also die beschneidung für ein warhafftig gewis zeichen Göttlicher hulde vnd gnade/gehalden werde/Ich rede noch nicht von der tauffe/alleine daraus schliese ich/das die Göttliche zu sage das Euangelion der gnaden/vnd das himelreich den Jungen kindern auch gehöret/Denn so die beschneidung/welche ist ein zeichen der gnade/den Jungen kindern geben wird/so volget auch/das die gnade an yhr selbes/vnd vergebung der sunde/den Jungen kindern gehöret.

Zum andern / ist Matthei am Vemtzehenden geschrieben/ Lasset die Jungen Kinder zu mir komen/denn das himelreich ist yhr/Vnd yhr sollet yhnen nicht weren/zu mir zu komen. Diesen spruch/wollen etliche verlegen dieser gestalt/vnd sagen/ Christus rede nicht/das das himelreich der Kinder sey/ sonder der yeningen so den kindern gleich werden/Aber diese deutung vnd auslegung wird aus dem vorgehenden Worten Christi da selbst verleyet/denn Christus heiset vñ befielet die Kinder zu yhm zubringen/darumb

auffe.

s/ beweie  
ab/das es  
schen gro  
selbigen/

der Jun  
dort auff  
der zeng  
Vnd die  
ristlicher  
sein/ Es  
oberkeit  
hen vnd  
yhr gar  
g vnd lo  
gewar  
den/der  
ffehen/  
heiligen

s ist klar  
ade/das  
r mit an  
ynn der  
n gesetz/  
chneitert  
verheisse  
hristi/yn  
welchem

## Von der Jungen kinder Tauffe.

darumb volget/das die angebotene gnade Christi yhnen auch gebüre/sonst solten sie nicht zu Christo getragen/sonder als die feinde Gottes/von Christo hin weg geweisset werden/vnd ob gleich die wort Christi nicht solten von Jungen kindern verstanden werden/so ist doch klar aus den worten/das der herre Christus zu den Jungen kindern/ein gnediges gefallen/vnd veterlichen willen treget/sonst hette er nicht die selig gescholten/vnd gelobet die yhnen gleich werden. Daruber sagt noch der Euangelist Marcus/am zehenden Capitel/ Vnd er umbsing sie/vnd leget die hende auff sie vnd segenet sie/Das nicht anders mag verstanden werden denn das er sie zu gnaden genommen hat/vnd das er sie dem vater befolhen hat zu heiligen/vnd zu erhalten.

So gehören nu auch die historien vnd exempel hin/von den heiligen kindern/denn es hat kein zweiffel/das die kinder haben gehört ynn Gottes reich/die getödtet sind von Herode/Wie denn der Euangelist anzeiget/der den spruch Jeremie anzeuhet von den heiligen merckern. So nu das gewis vn fest stehet/das das himelreich auch den kindern gehört/so müssen wir nu sehen welchen kindern es gehört/denn so es allen kindern auch außserhalb der Christen kirchen gehört/so ist der tauffe nicht von nöten/so aber vergebung der sünde nyrgent ist/denn wo das wort vnd sacrament ist/so wird vergebung der sünde allein den gehören/vnd widder faren/den das wort vnd sacrament wird dar gereicht vnd mit geteilet. Nu kan man kein zeugnis der schrift auff bringen das die verheissung der gnade/den kindern gehöre/die außserhalb/der kirchen sein/Vnd ist öffentlich am tag/das vergebung

## Von der Jungen Kinder Tauffe

gebung der sünde nyrgent ist/denn wo das wort vnd sacrament ist/Wie Petrus yn geschichten der Aposteln an vierden sagt/Es ist kein ander name vnter dem himel den menschen geben / da durch sie sollen selig werden/denn sein name. So nu da allein vergebung der sünde ist / wo das wort vñ sacrament ist/ so volget yhe/das die seligkeit allein denen kindern gehöret / den das sacrament wird dargereicht/wilchs ein zeichen ist/ der zugesagten gnade/ ynn allerley alder/kindschafft/ingent / alte greisen / nicht allein dem mans alder odder iunglins alder.

Keinen starcken täglichen grund sehe ich / noch keinen spruch der schrift / den man müge widder diesen grund auffbringen / Denn so vergebung der sünde nyrgent ist/denn wo das wort vnd sacrament ist/volget/das die vergebung der sünde / allein den iungen kindern wird dargereicht/die yn versammlung der Christlichen kirchen sind/wilchen das zeichen der gnaden wird dargereicht.

Wo nu dieser grund das gegenteil duncket nicht starck genug sein/so lasset sie beweisen vnd war machen/ das vergebung der sünde/ den iungen kindern / der heiden/ odder außserhalb der kirchen widderfare / sie wolten denn lieber sagen/das die verheißung der gnade/den iungen kindern gar nichts gehöre/ Aber wir haben yhe das widderspiel oben angezeigt.

Aber hie wird sagen das gegenteil/zu der tauffe gehört/das wort vnd der glaube / so aber die kinder nichts verstehen/haben sie widder wort noch glauben. Widder den grund des gegenteils/habe ich oben gesetzt das exempel der beschneidung/denn zu der beschneidung hört auch wort vnd glauben/Vnd Gott hat doch geboten die Jun

C ij gen

## Von der Jungen Kinder Tauffe.

gen Kinder zu beschneiden/ Vnseint es yhe einerley gnade/  
eines Christi/ eusserliche zeichen beide/ tauffe vnd besch/  
neidung/ die beschneidung aber ist ein zeichen nicht allein  
der leiblichen güter vnd verheissung/ sondern viel mehr  
des verheissenen samens vnd Christi. Wie Paulus zum  
Römern am vierden anzeiget/ do er es nennet/ ein zeichen  
der gerechtikeit/ Vnd zum Galatern leret er/ wie lange  
zeit/ für dem gesetzte die verheissung der gnaden vnd der  
gerechtikeit gewesen sey/ wie nu die beschneidung anzei/  
get/ als ein zeichen/ das die vergebung der sünde/ den Jun/  
gen Kindern gehöret/ wie wol sie nach nicht vernunfft  
brauchen/ odder das wort verstehen können/ also ist die  
tauffe ein zeichen/ das die vergebung der sünde den Jun/  
gen Kindern gehoret/ wie wol sie die predigt odder das  
wort noch nicht hören odder verstehen können/ Wo aber  
die widderfacher hoch dar auff dringen/ das die kinder  
nichts verstehen/ werden sie zu gleich sagen müssen/ das  
antwer alle kinder zu Gottes reich gehören/ odder gantz  
vnd gar keine. Sie weil aber das zu sagen nicht tang/ so  
müssen sie bekennen/ das vergebung der sünde/ den Jun/  
gen Kindern allein gebüre/ wilchen das wort vnd sacra/  
ment wird mit geteilt.

Aber hie sagen die widderfacher/ Es ist nyrgent ges/  
boten/ das man die kinder teuffen sol/ Dar auff ist meine  
antwort/ Wie wol kein offentlich gepot ynn der schrift  
ist/ so haben wir doch ein exempel/ das starck vnd tüchtig  
ist/ nach dem die schrift solches nicht verbent. Item so  
haben wir gegründte vrsachen/ die aus der schrift genö/  
men/ Darumb für das erste/ sollen die widderfacher be/  
weisen

## Von der Jungen Kinder Tauffe.

weisen/wo die schriftt verboten habe/die Jungen Kinder zu teuffen/dar nach sollen sie vrsach sagen/Warumb das exempel der beschneidung nicht soll auff die tauffe gezogen werden/so alles beides die tauffe/vnd die beschneidung eines Christen zeichen sind.

Entlich sollen sie auch gnugsam verlegen disen grund welcher aus der schriftt genomen/als nemlich/ dis/wo verheissung der gnade den Jungen Kindern auch gehöret/ Vnd ist aussserhalb der Christlichen kirchen/ keine vergebung der sünde/so volget yhe das das eusserlich zeichen/ der gnade sol vnd mag den selben kindern/dar gereicht werden/welchen es ein zeichen sey/das sie Christen sind/vñ vergebung der sünde haben. Die weil dieser grund aus der schriftt genomen/so reden die widersacher yhren mut willen vnd gewalt/das sie vns beschuldigen/das wir on grund der schriftt/die tauffe der Jungen Kinder einführen/vnd an nemern.

Serhalben sehet yhr nu wie ferlich es sey/den schwerern anhangen/die do verbieten/die Kinder zu teuffen/so es nyrgent doch geschrieben/geschnitset noch gemalet ist das vergebung der sünde yrgent sey/ da nicht das wort vnd die sacrament sind/ Serhalben können nymer mehr mit warheit die schwerer odder Widderteuffer sagen/das die Kinder/welchen die tauffe nicht dargereicht wird/solten eralden werden/odder vergebung der sünden erlangen/ Saget yhr Widderteuffer/ Was für ein spruch/was für ein grund der schriftt/welche exempel der schriftt wollet yhr doch hie auff bringen/ das yhr vns beweiset/

das

auffe.

ey gnade/  
nd besch/  
cht allein  
viel mehr  
ulus zum  
n zeichen  
ie lange  
vnd der  
ng anzei/  
den Jun  
ernunfft  
so ist die  
en Jun/  
odder das  
Wo aber  
ie Kinder  
Ten/ das  
er ganz  
taug/ so  
en Jun/  
nd sacra/  
gent ges  
ist meine  
schriftt  
tüchtig  
Item so  
ffte geno/  
cher bes  
weisen

## Von der Jungen kinder Tauffe.

Das anfferhalb der Christlichen Kirchen vergebung der Sunde sind. Dar aus mag man alleine verstehen/ wie vnser gewis ding yhr lere ist. Vnd dis einige stücke solt die Widerteuffer für dechtig machen/ das man yhnen nicht glauben solte/nemlich/das sie eben ynn dem/ da sie die tauffe der kinder verleugnen/ein gantz vngewis ding dürfften für iahen/als das vergebung der Sunde yrgent sey/da nicht das wort vnd sacrament sey. So nu yhr lere so vngewis ist/sehen wir/wie gantz ferlich es ist/widder der alten veter eintrechtigliche meinung/wilche/wichtig tapffere Ursachen vnd grund aus der schrifft haben/yhr lere annehmen.

Aber hie müssen wir auch zufellig sagen/ was für ein Sunde den Kindern vergeben wird/ Ich sehe das die veter gehalten haben/das yhn vergeben werde die erbsunde/ Denn also schreibet an viel orten/ vnd sonderlich widder Julianum Augustinus vnd zenhet an/andere spruche der alten/Dieser meinung/die weil sie yn der schrifft gründet/wil ich auch folgen/denn die tauffe ist nicht zuhalten/ als für ein taub ledig zeichen/sondern für ein zeichen der vergebung der Sunde/vnd für ein zeichen Göttliches willes gegen vns/wie ich oben gesagt habe/ Serhalben müssen wir hie sagen/wie nu die erbsunde vergeben werde/ Denn erbsunde wie es auch nennen/ die alten veter ist ein verterbung der natur/ da wir on Gottes forcht/on Gottes erkentnis/ on glauben geboren werden/ vnd bringen mit vns ein angeborne böse lust/ da durch wir dar nach ynn alle Sunde gezogen werden/ Die verterbung der natur/ist genolget auff den fal vnd verbrechen Adam. Vt/ und dieser zeit sind etlich newe lerer/ die ynn den stücken  
alzu

V  
alzu  
dürffe  
aber d  
stinus  
die do  
den/d  
anbeg  
kome  
stlich  
  
der se  
grün  
wir w  
che a  
verte  
zun  
sund  
vn ist  
weil  
dern  
die a  
denn  
zorn  
igste  
gem  
gen/  
vnr  
buch  
liche  
get

## Von der Jungen Kinder Tauffe.

alzu viel/der vernunfft/vnd der Philosophey volgen/vnd  
durffen verleugnen/das dise verterbung tödlich sünde sey  
aber die selben sind öffentlich widder alle schrift/ Augus  
stinus verwundert sich/das zu seinen zeiten/leutte waren/  
die do die erbsünde verleugneten/so zuuor niemants sun  
den/der also gehalten/denn es saget Augustinus also/von  
anbegynne bis auff diese zeit/syder das die newikeit auff  
komen ist die lere von der erbsünde/ynn der gantzen Chri  
stlichen kirchen bestendiglich gehalten 2c.

Derhalben ist zu vnser zeit/des mehr zu schelten/  
der selben spitzigen leute klugheit/welche diese/ alte ges  
gründte lere von der erbsünde/ durffen anfechten. Aber  
wir wollen auch spruche der schrift zu samne lesen/wel  
che anzeigen/ das die natur durch Adams fall/der mass  
verterbt/vnd das solche verterbung warlich sünde sey/  
zum Römern am funfften/durch einen menschen/ist die  
sünde ynn die welt komen/vnd der tod durch die sünde/  
vñ ist also der tod/vber alle menschen/durch gangen/ die  
weil sie alle gesündig hetten/vnd zum Ephesern/am an  
dern Capitel/ Wir waren von art kinder des zorns/wie  
die andern. Kinder aber des zorns sein/ist nicht anders/  
denn einer solchen sünde schuldig sein/vber wilche Gott  
zornet/vnd welche Got verdammen wil/vnd ym funfftez  
igsten Psalm ist geschrieben/ Sihe ich bin ynn vntugent  
gemacht/vnd meine mutter hat mich yn sünden empfang  
en/das ist/do ich gebildet wart yn mutter leibe/war ich  
vñ ein/vnd an meiner geburt war sünde/Vnd ym ersten  
buch Mosis am achten Capitel/das richten des mensche  
lichen hertzen/ist alles böse/von der iugent auff/Do zei  
get die schrift an mit dem wort/wie es den ym hebreisch

D

en laut

## Von der Jungen Kinder Lauffe.

en laut/das wir nicht allein aus nach volgen der andern/  
oder bösen exempel verterbet werden/wie die Pelagias  
ner gehalten haben/vñ die Philophi/sondern das die art  
menschliches hertzen böse sey/vnd von kindheit auff mit  
sich bringe böse lust/als wolt er sagen/das die arge böse  
lust ehe ynn dem menschen vnd an der natur sey/denn er  
verstand gewinne/bösem exempel zu folgen/vnd es kan  
wol sein/das dis hebreische wort/das lateinisch formatio  
mag verdolmetzschet werden/für empfangnis vñ bildung  
vñser geburt/ynn mutter leibe mocht genomen werden/  
Vnd dazu gehöret der spruch Johannis am ersten/Wel  
che nicht von dem geblüte zc. do verdammet der Euang  
gelist alle die yenige so nicht aus Gott geboren sein. Item  
Johannis am dritten/Was aus fleisch geboren ist/das ist  
fleisch. Item Paulus zum Römern am achten/Das flei  
sch kan Gottes gesetzte nicht vnter than sein/denn es ver  
mages nicht/Es vermocht aber das fleisch Gots gesetzte  
vnterworffen zu sein/wenn es nicht mit sich brechte ver  
terbung der sünde/von muter leibe an.

Derhalben sollen wir wissen/das die natur verterbet  
sey/das ist/das wir geboren werden on Gottes forcht/on  
glauben/tegen Gott/vñ das wir mit vns von der geburt  
bringen böse lust/wilche krefftig wircket ynn vnsern ge  
lidmassen/wie Paulus sagt/vnd aus wilcher komen die  
sünde/der gleichen halten wir das solche verterbung vnd  
böse neigung an yhr selbes ein solche sünde sey/vmb wel  
cher willen Gott verdammet. Die Philosphi haben sich  
verwundert was es doch sey/das die menschen mit solch  
em gewalt stürze/vñ do hin reisse ynn allerley sünde/das  
sie der vermunfft/welche yhe tugent vnd das gut weißet/  
nicht

V  
nicht  
lere/v  
ne erb  
nach  
natur  
Gott  
schw  
V  
nu di  
selbe  
yhn a  
wird  
weil  
der s  
cht z  
nom  
neyd  
ich n  
vnd  
den  
get  
cht l  
Der  
ante  
keit  
sch  
ne  
gla  
der  
Ch

## Von der Jungen kinder Tauffe.

nicht können folgen. Aber wir lernen es aus Christlicher lere/ vnd schriffte/das solches ein ursach sey/die angeborne erbsunde/ Denn nach Adams fal/ ist er vnd alle sein nachkommen/ vermaledeit/ do her ist/ solche verterbung der natur/denn gleich wie ein baum dörre wird/ wenn yhne Gott vermaledeiet/ also ist die natur/ verterbet vnd geschwecht/die weil wir kinder des zorns worden.

Nu wollen wir widder auff die sache komen/ So wird nu die erbsunde/den kindern vergeben/nicht also/das die selbe gantze seuche weg genommen würde/sondern es wird yhn also vergeben/das yhnen die schuld der sunden nicht würdet zu gerechnet/odder wie die veter da von reden/die weil wir ynn diesem fleisch leben/bleibt etwas vbrig von der selben seuche/es wird aber den so ynn Christo sind nicht zu gerechent. So werden nu die kinder zu gnaden genommen vnd geheiligt von Gott/wie denn von der beschneydung geschriben stehet/ Ich wil yhr Gott sein/das ist/ ich wil sie zu gnaden an nehmen/sie behüten/sie heiligen/ vnd ynn yhn durch meinen geist wircken/Also auch werden die getauffte kinder angenommen zu gnaden geheiligt vnd behüt von Got/ wiewol sie der vernüfft noch nicht brauchē können/so wirckt doch krefftig Got yn yhn. Denn die vernüfft odder natur/ vermag nicht ynn ymants/ auch nicht yn den alten/zu wircken/ein rechte frömitkeit die für Gott gilt/sondern Gott treibet vns ein solch schrecken/vnd zeigt vns erst die sinde. wen er wil zur busse ruffen/vnd rechtmertigt/vn tröst vns wider durch den glauben. Es hat der heilig geist gewirckt/das Johannes der teuffer ehe er geborn ward, fület den gegenwertigen Christum/also können auch ander kinder vnd aus erwel-

## Von der Jungen Kinder Tauffe.

kinder vnd aus eruelten/ vom heiligen geist/ on zu thun  
der ver nunfft/ geheiligt werden.

Bisher haben wir von der Tauffe der kinder geredet/  
für welche kindlin denn (wie Augustinus saget) wir der  
halben deste vleissiger vnd hefftiger fechten sollen/ das  
sie als die vnmundigen/ yhr wort nicht selbes reden kon-  
nen/ vnd ist meines einfürens vñ beschlusses/ dis die sum-  
ma gewesen/ so vergebung der sünde nyrgent ist/ denn wo  
das wort vnd sacrament ist/ so volget/ das allein den kin-  
dern vergebung der sünde widderferet/ wilchen das sacra-  
ment ist dargereicht/ wilches ein zeichen ist/ das verges-  
bung der sünde yhnen gehöret.

Vnd so ymants dar auff weiter dringen wurd/ das  
das sacrament/ an sich allein nicht ein zeichen sey der ver-  
gebung der sünden/ dem halten wir für das exempel der  
beschneydung/ wilche ein zeichen ist/ das die vergebung  
der sünde/ den kindern gehöre/ vnd widder fare/ wie wol  
sie das wort nicht hören odder verstehen/ vnd das exem-  
pel zeigt an/ das ein brauch sey / allein des eusserlichen  
zeichens vnd sacraments/ an sich selbs von noten bey den  
so das wort nicht vorstehen. So nu ymants fraget/ was  
den kindern die tauffe nütz sey/ ist die antwort/ Ein zeich-  
en ist es/ das vergebung der sünde yhnen auch gehöret/  
Vnd weiter/ weil nyrgent vergebung der sünde ist/ denn  
wo das wort vnd sacrament ist/ folget/ das die yemigen  
vergebung der sünde erlangen/ wilchen das sacrament  
wird dar gereicht/ denn die gantze Christliche kirche gley-  
bet/ das vergebung der sünde/ do sey/ wo das wort vnd zei-  
chen ist/ vnd ynn dem selben glauben besilet sie die kinder  
Gotte/ vnd reichet yhn das zeichen/ denn Christus saget/  
Last

V  
Last  
vergel  
ist/ Di  
widde  
weisen  
sey.  
D  
ffen la  
ffe nic  
der zu  
melre  
himel  
vater  
Engel  
ters d  
Gotte  
weil n  
sie au  
es doe  
wo da  
der v  
nicht  
mer a  
nur e  
2  
Als d  
also  
was  
offte  
ich se

## Von der Jungen kinder Tauffe.

Last die kinder zu mir komen/denn es kan nicht gewisse  
vergebung der sunde sein/wo nicht das wort vnd zeichen  
ist/Diesen glauben der kirche zu verwerffen/haben die  
widderteußer gar keine vrsach/denn sie können nicht be-  
weisen/das verggebung der sunde außserhalbe der kirchen  
sey.

Die nu dar auff dringen/das man sich sol widderteu-  
ßen lassen/haben allein diese vrsache/das der kinder tau-  
ffe nichts sey/Au verbeut yhe die schrift nyrgent die kin-  
der zu teuffen/vnd Christus zeuget selbs/das yhr das hi-  
melreich sey/vnd befielet sie zu yhm zu bringen/saget/das  
himmelreich sey yhr/saget dazu/das die engel yhnen vom  
vater bey geben sind/sie zu beschützen/vnd behüten/Chr  
Engel spricht er/sehen alle zeit/das angesichte meines va-  
ters der ym himel ist. So sind es nu on zweiffel heilige  
Gottes kinder/die von den Engeln behütet werden/die  
weil nu das also ist/warumb absondern die widderteußer  
sie aus der Christlichen kirchen/vnd den sacramenten/so  
es doch klar ist/das nyrgent verggebung der sunde ist/den  
wo das wort vnd sacrament ist. So sie nu kein grund od-  
der vrsache haben die kinder tauffe zu verwerffen/so ist  
nicht von nöten/die leute widder zu teuffen/die schwer-  
mer aber die dar auff dringen/dencken die tauffe wircke  
nur ein mal/vnd nur auff eine zeit.

Als wenn ich an hebe busse zu thun/vnd zu glauben/  
Als denn erst sagen sie/solt man der tauffe brauchen/das  
also das hertze mit dem zeichen vber ein stymme. Sage/  
was wollen vns die hie anfahen/wollen sie die leute so  
offte teuffen/als sie widder fallen vnd busse thun? Aber  
ich sehe wol/das sie die art der weise/vnd krafft des zeich

D iij                      ens nicht

auffe.

zu thun

gerede/

wir der

llen/das

den konz

die sumz

denn wo

den kinz

as sacra

s vergez

urd/das

der ver

pel der

gebung

wie wol

exems

elichen

bey den

et/was

n zeichz

ehöret/

st/denn

enigen

rament

he gien

vnd zei

kinder

saget/

Last

## Von der Jungen Kinder Tauffe.

ens nicht recht verstehen/ Sie wollen wenen/die zeichen sind darumb eingesetzt/das sie zeugnis sollen sein vnsers glaubens gegen menschen/Aber wir haben oben klar angezeigt/ das sie nicht allein zeugnis sein vnsers glaubens gegen menschen/sondern sind darumb geben/ das sie sollen zeugnis sein Göttlichs willens gegen vns/ wie auch das eusserlich wort ist/ Gleich nu wie die predigt vnd lere für der busse vnd rechtfertigung hergehet/ also auch weiß die tauffe für der busse/hergehet/ sol sie drumb nicht verworffen werden. Es lernet vñ Horet ein newling der zum Christentumb begert viel dinges ehe er warlich gleybet/ sole drumb/ das wort das eusserlich gehört wird/falsch der aus dem synne weg zu thun sein/Also sol auch die tauffe nicht verworffen werden/oder auff's new abgewaschen/wenn sie auch gleich etwas für der zeit/ wird dargebracht/ Derhalben mag man kinder teuffen/denn das wort ist yhe so würdig vnd heilig als das zeichen.

Gleich aber wie das wort/das du ein mal gelernet hast/er nach auch das hertze vnd gewissen erwecket vnd stercket/also auch/die tauffe/ wenn sie ein mal dar gereicht/erweckt vns das gantze leben durch/zur busse/vñ zum glauben/Darumb gehört die tauffe odder yhe wircken nicht allein zu einer zeit/wie auch die busse nicht allein zu einer zeit geschieht/sonder das gantz leben durch sol vnser alt mensch getödtet/ vnd die sicherheit des fleisches weg than werde/da gegen der new ym glauben vnd geistlichen friede/für Gott wachsen vnd zu nhemen.

Aus diesem kan man schliessen/ das man die so yn der iugent getaufft nicht sol widderteuffen. Sihe aber was  
für

## Von der Jungen Kinder Tauffe.

für nutz der widderteuſſer lere bringet/von der euſſerlich  
en Cerimonien/richten ſie groſſen zang vñ hader an/von  
rechten brauch des zeichens ſchweigen ſie gantz ſtille.  
Wir wollen aber/den rechten brauch der tauffe/vnd das  
wort der tauffe anſehen/welche gar hoch vnd gros die  
erſchrocken gewiſſen auffrichte vnd tröſten müge/denn  
was verſtehet man yn dieſen worten/Ich teuſſe dich ym  
namen des Vaters des Sons vnd des heiligen geiſts/  
Dieſe wort zeugen/das Gott der vater der ſon der heilige  
geiſt/vns zu gnaden nemen/vnd wie wol wir fülen das  
wir ewigen zorn verdienet haben vnd ewigen tod/doch  
wollen ſie do bey vns ſein/die ſunde vergeben/den geiſt/  
vnd ein newes leben/newen ſynn vnd muet ynn vns wir  
cken.

Alſo verbindet ſich nu Got mit vns/ beide durch das  
euſſerlich ſigel vnd euſſerlich wort/das er ſich wil vnſer  
erbarmen/yn allen gnaden/vns mit dem blut ſeines ſons  
Iheſu Chriſti beſprengen/den alten Adā tödten/ein newo  
geiſtlich leben/vnd alles gut ynn vns wircken/Wenn nu  
vnſer beſtörtzet gewiſſen wenn es auffſ hochſte erſchre  
cket iſt/fület das es nichts den tod vñ zorn verdienet hat/  
ſo ſollē wir dieſes zeichen anſehen/vñ weiß wir yn das wa  
ſſer getaucht werdē/wiſſen wir das do warlich gegenwer  
tig iſt/die maieſtet/der vater der ſon der heilige geiſt/vns  
ſunde zu vergeben/vnd zu erhalben/Denn darümb/das  
wir ſollen glauben/vergebung der ſunde/ſtehet Göttlich  
er beſelh/da zu teuſſen/ynn Gottes namen 2c. Da wil  
Gott das wir ſeinen Göttlichen namen ſollen anruffen/  
vnd

tauffe.

e zeichen  
in vnſers  
klar an  
glaubēs  
s ſie ſol  
wie auch  
vnd lere  
uch weiß  
icht ver  
der zum  
glaubet/  
d/falſch  
h die tau  
gewaſch  
darge  
as wort

gelernet.  
ket vnd  
ar gerei  
vñ zum  
rcken ni  
allein zu  
ſol vn  
leiſches  
nd geiſt

d yn der  
ber was  
für

## Von der Jungen Kinder Tauffe

vnd Göttlichen zu sagen glauben/ Diese wort aber vnd  
weise zu reden/ Ich teuffe dich ym namen des vaters 2c.  
magestu also verstehen/wie der zwentzigste Psalm redet/  
Jene verlassen sich auff wagen vnd rosse/wir aber ver-  
lassen vns auff denn namen vnfers Gottes/das ist/wir  
streiten vnd fechten aus Gottes befehel/vnd derhalb ver-  
lassen wir vns dar auff/ das Gott bey vns ist/vns hilfft  
vnd beistehet/ also werden wir getaufft/auch ym namen  
des Vaters des Sons vnd des heiligen Geists/ das ist/  
die weil wir getaufft werden/aus seinem befehel vnd ord-  
nung/sollen wirs für gewis halten/das er vns zu gna-  
den angenommen / bey vns ist/ vns hilfft/vns erhelte/Auff  
den selbigen verstand kömets auch/wenn du dis wort als  
so auslegest/ Ym namen des vaters/das ist an stad des va-  
ters 2c. Denn der do an Gottes stad teuffet/ der zeuget/  
das vns Gott selbs teuffe/ so nu Gott vns selbest yns wa-  
sser tauchet/vnd mit dem blut seines sons besprenget/vnd  
durch den geist heiliget/ so wird er vns on zweiffel/ ver-  
nemen/vnd geistlich lebendig machen. Auch wird gleich  
der verstand dar aus/ wenn du sprichst/ Ich teuffe dich  
ym namē des vaters /das die wort also anzeigen/das wir  
schon Gottes eigentumb/vnd eigenschafft sind/ das wir  
also Gott versünet sein/das wir mügen seinen namen frö-  
lich anrufen/ vnd wissen/ das er für vns sorget/ das wir  
von yhm allenthalben erhalten vnd geheiliget werden.

Auff diese wort der tauffe ist achtung zu haben/vn-  
sern glauben zu er wecken/ vnd zu stercken/ynn welchem  
wir sehen/wie sich so reichlich tegen vns aus ergenst Göt-  
tlich güte vnd gnade/das sie sich vns selbs zeige/das wir  
glauben

## Von der Jungen kinder Tauffe

glauben vnd erhalten werden/ darumb sollen wir Gott bitten/ das er vns erwecke vnd stercke den glauben/ das wir solche mechtige vberschwengliche gute erkennen/ vñ alzeit preisen mügen/ vnd diese vbung des glaubens am wort ist (das ich hie Christus wort brauche) das fürnembste am gesetz/ von den Cerimonien zu zanken/ ist viel ein anders.

Als viel diese zeit müglich gewesen/ haben wir angezeigt/ wie vergeblich/ gottlos vnd vnutze der Widder tenffer lere sey/ Denn der kinder tauffe sol man nicht verwerffen/ nach dem yhn die vergebung der sünde auch gehört/ wilche nyrgent ist/ den wo das wort/ vnd sacrament ist/ vnd ob ymants für der zeit des verstandes getaufft wirdet/ drumb ist die tauffe nicht zu verwerffen/ Gleich wie das gepredigt wort nicht zu verwerffen ist/ odder zu verlernen/ das einer für der rechtfertigung/ als ein newes ling gehört hette.

Es haben die widder tenffer auch ander zeichen vnd flecken da bey zu mercken/ was er geist yn yhn redet. Paulus saget man solle die geister prüfen/ ab sie aus Got sein/ Derhalben sehen sich die gantz vbel für/ die sich zu solchen rotten plötzlich vnbedacht toll do hin begeben/ ehe sie yhr lere recht haben/ auff der golt wagen berwerd/ vnd an gesehen/ Es ist gantz vnchristlich/ das sie leren/ Ein Christen könne nicht Götlich ynn Fürsten/ Herren/ Richter odder Oberkeit ampt sein/ odder solches vben vnd füren/ gericht sitzen/ das schwerd widder die bösen brauchen/ vnd der gleichen/ da von ich zu vor offte gesagt. Dergleichen ist gantz vnchristlich/ das sie foddern/ die Christen sollen nicht eigens haben/ yhr güter alle ynn gemein geben/ von welchem stücke wir hie auch zufellig etwas sagen

uffe

aber vnd  
aters 2c.  
im redet/  
aber ver/  
as ist/ wir  
halb ver/  
ns hilffe  
n namen  
/ das ist/  
vnd ord  
zu gnas  
elt/ Auff  
wort als  
d des va  
r zeuget/  
t yns wa  
get/ vnd  
fel/ ver/  
d gleich  
ffe dich  
das wir  
das wir  
men frö  
das wir  
werden.

ben/ vñ  
welchem  
ust Göt  
das wir  
glauben

## Von gemeinschaft der güter.

gen wollen. Es ist die selbe vngöttliche lere/von gemeinschafft aller güter/ des zunde pulfers ein gut teyl /damit solch fiewer/der auffrurh verschiener zeit angezunder/welches do weiter geflohen vñ so viel grossen schaden than/ vnd solche lere treiben die schwermerischen wütende geister/yñ das vnuerstendih einfeltig volck.

Ich achte sie nicht weiniger für auffrürisch/die do gemeine beweree weltliche ordnung vñ gesetzte/welche von teilung vñ eigenthumb der habe vnd güter melden/wolle zu trennen/denn die ienigen/die do gantz aus der Christenheit oberkeit vnd regiment/wollen abthun. Darumb widder den schedlichen irthum schliesse ich also/ das die Christen mügen güter vnd reichthum haben/ vnd besitzen/ das zeiget klar Paulus an/ij. Corinth. ix. do er leret vnd vermanet/zu geben vnd mit zu teilen den armen/ als viel ein iglicher wil/ nicht aus nötung odder bedrengnis/do Paulus yhe klar anzeiget/das die Christen nicht sollen gezwungen werden/yhre güter gantz zulassen. Wo es nun an sich selbes sünde were/reich sein odder güter haben/ so würde der Apostel gefoddert vñ yhn geboten haben/yhre güter zu lassen/ vnd würde es nicht yñ eines iglichen gefallen gestellet haben zugeben/ so viel er wolt. Vnd zu Thimo. i. Thimo. am letzten/ sagt er/ Den reichen von dieser welt gebeut das sie nicht noch hohen dingen trachten/ anch nicht hoffen auff den vngewissen reichthumb/ sondern auff den lebendigen Gott. Sehet do/der Apostel gebeut nicht/das sie die güter gantz lassen/ odder das sie die gantz sollen yn gemein geben/ Vñ so reich sein/ein sünde were/so würde Paulus die reichen vnter die Christen/vñ Junger nicht mit gezelet haben/vnd wo die Christliche lere/ odder Christus das selbe als ein nötig heubtstück

## Von gemeinschaft der güter.

stücke söddert/su muste ein iglicher erst alle güter lassent/  
ehe wir Christen wördē. Item Christus Math. am 19. sas  
get nicht das es vnmüglich/sondern das es schwerer sey/  
den reichen yns Himelreich zukomen/ vnd dar vber/so bes  
stetiget/das Euangelion/Richter ampt/oberkeit/vnd alle  
ordnung gesetz vnd regiment/also ist darynne begriffen/  
keuffen/verkeuffen/güter/ vnd erbe teylen/ Das wil auch  
Paulus.zun Cor. 7. do er sagt/die do keuffen als behiels  
ten sie es nicht/das ist/ man mag keuffen güter/vnd nar  
rung mehren/aber fur geitz vnd vnglauben sol man sich  
hüten.

Vnd zu der gleichen sachen vnd fellen dieser welt/  
vnd dieses lebens gehöret auch das do folget / Brau  
chet dieser welt als brauchet yhrer nicht/das ist/misbrau  
chet der welt aber nicht/ die Oberkeit mag yhr ampt  
thun/man mag ehlich werden/arbeiten/handwerck vben  
kinder ziehen/narung erwerben/ aber solches alles sehet  
thut ym Gottes forcht vnd ym glauben. Es sol aber  
ein Christ ym Haushalten/narung vnd der gleichen Sas  
lmons regeln folgen/do er sagt/Trincke wasser aus dei  
ner gruben/vñ flusse aus deinem bronnen/las deine bron  
ne eraus fließen/vñ die wasser beche auff die gassen/habe  
du sie aber allein/vñ kein frembder mit dir/ dein born sey  
gesegnet/ Denn das ist die meinüg/ ein iglicher sol seines  
bronnens herr sein/ das ist/er sol sein güter/ ecker vnd an  
ders was er hat/behalten/aber von dem bron lassen aus  
fließen/das ist/er sol dauon armen helffen/ als viel yhm  
müglich/Vnd zu letzt ist ein Gottliche zusage angehefft/  
do er verheisset/ das Gott werde segen/ die yeningen an  
yhem zeitlichen gute/ wilche es also gebrauchen/ also  
gebent die schrift/wercke Christlicher liebe/nicht do mit  
E ij cht do

## Von der Jungen kinder Tauffe.

cht do mit nyder zu stossen alle ordenliche gesetzte/teuffen  
en verkuuffen/eigentumb 2c. sonder viel mehr den friede  
vnd gemeine zu erhalten.

Aber hie wird angezogen werden/der spruch Christi/  
Wiltu volkomen sein/so gehe hin verkuuffe alles was du  
hast/vnd gib es den armen/ so wirstu ein schatz ym himel  
haben/kom vnd folge mir noch/ Den spruch wollen wir  
kurtz auslegen/ damit er nicht mit langer rede tuncfeler  
werde/ Das wort Christi ist auff die einig person/zu der  
do Christus redet/ gericht/ vñ nicht auff alle/ den es fol-  
get ym text/ Kom folge mir nach/ welche wort anzeigen/  
das er zū lere ampt beruffen wird/ gleich wie Christus un-  
nit alle mensche/zum predig ampt beruffet/also gebent er  
auch nicht allen yhr güter zu lassen/ oder zu verkuuffen.

Das ist nach meinem verstande die einfeltigest aus-  
legung/dann die vmbstende/zeigen an/das es nicht ein ge-  
meine gebot sey/vber alle/ sonder den fürwitz vnd stolz  
des Jüngelings trifft/Christus durch ein eigen hohen be-  
ruff/denn do der Jungling so müttig rühmet/ wie er alle  
gebot gehalden hette/zeiget ihm Christus an/das er auch  
das aller erste gebot noch nicht erfüllet habe/wilchs ge-  
beut Got zu lieben vñ gantzem hertzen/ Den er liebet also  
seine narung vnd güter/ das er sich beschwert/darumb  
das predig ampt an zunemen/ Vñ Christus damit er yhm  
klar anzeige/das er zeitliche güter vber Gott liebet/hiesse  
er yhn die güter vmb Gottes willen verkuuffen / vber  
das/ so gebent auch der spruch/die güter allein zu verku-  
ffen nicht gantz zulassen/vnd ynn gemein zu geben/ vnd  
das gelt ist sein-blieben/nicht yns gemein geben/Auch ist  
S. Augustinus gefraget/ob die Christen möchten güter  
haben vnd besitzen / Denn es ist nicht ein mal des stückes  
halben

halben  
leget n  
komer  
schaff  
vnd a  
wiltu  
ane d  
Chris  
euffen  
lichen  
forch  
Au v  
auff  
auff  
das e  
die g  
sten g  
den d  
gen d  
verka  
nen  
cht/d  
volg  
stan  
Der  
en/v  
che  
gest  
dem

## Von der Jungen Kinder Tauffe.

halben/ ynn der Kirchen/ zang vnd irrungē entstanden/ So  
leget nu Augustinus den spruch also aus/ das es ein vol-  
kommenheit sey/ die güter verlassen/ wie auch die Jungfer-  
schafft oder die gabe/ der getzungē ein volkommenheit ist/  
vnd auff die weise ( sagt er ) sey der spruch zu verstehen /  
wilcu volkomen sein 2c.

Es kan aber einer ane solche volkommenheit/ wie auch  
ane die gabe/ der getzung ein Christ sein/ Denn die ware  
Christliche volkommenheit stehet nicht ynn yrgent einem  
eufferlichem dinge/ ynn reichthumb odder armut/ ym ehe-  
lichen leben odder iunckfrauschafft/ sondern ynn Gottes  
forcht/ ym glauben/ ynn hoffnung/ ynn volkomener liebe.  
Tu werden sie hie aber auch das exempel der Aposteln  
auff bringen/ wilche alles ynn gemein geben haben/ dar  
auff ist die antwort/ Wir reden da von ob es geboten sey/  
das ein Christe sein güter lassen solle.

Es möchten wol etliche sich willig vereinigen/ vnd  
die güter ynn gemeine geben/ wie auch yn der ersten Chri-  
sten gemein geschach/ welche auch die not da hin drang/  
den die güter wordē yhn mit gewalt genomē/ alle den ient-  
gen die man wuste/ das sie Christen wordē weren. Darüb  
verkauften sie solches zu vor/ damit sie von den Tyrann-  
nen nicht beraubt würden/ aber das exempel zwinget ni-  
cht/ das es die andern auch thun müssen/ gleich wie nicht  
volget/ das man sol den priestern odder predigern ehlich  
stand verbieten/ das Paulus etliche zeit on weib gelebet.  
Derhalben sol man niemants zwingen/ sondern frey lassē  
en/ wollen etliche willig yhre güter gemeine geben ist ni-  
cht verboten/ Ananias ist eilend tod blichen/ von Petro  
gestraffet/ nicht das er das gelt behalten/ sondern das er  
dem Heiligen geist hatte gelogen/ denn Petrus sagt offen-  
lich/

## Von gemeinschaft der güter.

lich were/ das gelt nicht gleich wol dein bliben/ vnd zorn  
net drümb so hefftig/ das er nicht menschen/ sondern dem  
heiligen geist gelogen hette. Es wird aber auch hie vns  
für geworffen werde der spruch Christi/ Du solt einem ig  
lichen der dich bit/ geben. Aber man kan leichtlich merck  
en/ das der spruch nicht erfordert/ das wir die güter gar  
lassen sollen/ vnd blos weg gehen/ denn so er heist geben/  
zeiget er gnug an/ das man die güter behalden müge/ da  
von man nheime/ das wir mehr geben können/ Vnd Pau  
lus 2. Corinth. 8. leget den spruch also aus/ das man ge  
ben sol/ nicht also/ das die andern ruge haben/ vnd wir  
erüksal 2c. So ist nu der spruch also zu verstehen/ das wir  
nicht mager geringe almusen/ sondern reiche almusen vñ  
stewer geben sollen/ Darümb misbrauchen des spruchs  
alle die yhn do hin strecken/ das er solche gemeinschaft  
der güter beweisen sol/ Durch welche gemeine welt vnd  
regiments ordnung/ teilung der güter/ eigenthumb/ zu  
trennet wird. Wie nu die ienigen auffrürisch sind/ die  
sich wider ordenlich oberkeit mit gewalt setzen/ also sind  
die auch auffrürisch die do solche weltliche gesetze wider  
stossen/ vnd verbieten/ ein yglichen das sein zu haben/  
Vnd es gehet vns hie ynn Christlichen sachen nicht an/  
der Philosophus Socrates/ was der selbige geleret hat  
von aller güter gemeinschaft/ ist nur ein fein traum/  
do er als ein weiser man ein form eyms gantz runden vnd  
volkomen stad regiments/ vnd guten wesens hat wollen  
anzeigen/ nur mit worten/ sein lieblich danon geredt/ das  
aller güter gemeinschaft sein solten/ ein solche stad aber  
wird nyrgent finden. Christus leret vns/ das wir die ge  
fasten/ auffgerichten weltlichen ordnung/ der Regiment  
ynn landen vnd steden/ nicht brechen sollen/ Vmer aber/  
reich

Y  
reich  
teyler  
denn  
an vi  
er he  
chen  
sein v  
len/ s  
heide  
mag  
gert  
am e  
man  
gehe  
mo.  
ley v  
zeig  
erna  
stedt  
gern  
reich  
aus  
lich  
man  
teu  
güt  
ren,  
ferl  
che  
nan

## Von gemeinschaft der güter.

reichlich/frölich mildiglich den armen helffen vnd mittheilen/ vnd sonderlich/ den pfarrern/ predigern/ diacon/ denn den sind wir es am meisten schuldig/wie die schrift an vielen orten saget/ Aber nie hat man sich vnfreundlicher heilicher gestelt gegen die pfarrer/ vnd diener der kirchen/denn eben dieser zeit/ Etliche die fast Euangelisch sein wolle reissen zu sich die güter/so pfarrern/ predigern/schulen/ kirchen/ geben sind/ ane welche wir zu letzt heiden worden/ ane welche die lere der Christenheit nicht mag erhalten werden/ Das gemeine volck vñ pöbel/weigert seinen pfarrern yhr gebür/ vnd das thun die ienigen/ am ersten/so fast Euangelisch sich rühmen/ so doch niemants mit den lernern vnd predigern vnfreundlicher vmb gehet/ Die diener des wortes/ wie Paulus schreibt 1. Tim. 5. sind zwifacher ehre werd/ Darumb sol man allerley wercke der liebe gegen yhnen/ sonderlich vben vnd erzeigen.

So halten wir es nu also/das ein Christ recht thut/so ernach den auffgerichteten / welt ordnung der lender vnd stedte/ yn seinen gütern bleibt/ doch also das er willig vñ gerne den armen mittheile/ solchen wercken der liebe/ ist reicher lohn von Gott zu gesagt/ ym Psalm/ Er strewet aus vnd gibet den armen/ sein gerechtigkeit bleibet ewiglich. Dis habe ich wollen auch also verynnern vnd vermanen/den ich vnter andern gottlosen lernern/ der widder teuffer/ auch dieses finde/do sie lernern/ Christen sollen yhre güter gar lassen/ vnd ynn gemein geben/die nu solches lernern/ ist klar/ das sie nicht aus Gott sein/ Es ist kaum ein ferlicher zeit gewesen/ derhalben ist deste vleissiger zu wachen/das man solche geister prüfe/ vnd ane vleissiger genaw auff sehen nicht annehme. Gott sey lob/ Amen.

*[Faint, illegible text, likely bleed-through from the reverse side of the page.]*









1076  
Georg B.










7.



1744

